

tionem aliquoties, surgere ad gloriam pertinet, unde A dicitur : *Olim in cinere sedentes paenitent (Luc. x., 13)*, id est, humiliati, et propheta : *A facie manus tuæ solus sedebam, quia comminatione replesti me (Jer. xv., 17)*. Sed et Psalmista : *Vanum est vobis ante lucem surgere, surgite postquam sederitis, qui manducatis panem doloris (Psalm. cxxvi., 2)*. Quid est aperie dicere, Quid in præsenti quæratis gaudere, quod electis in futuro reservatur? Non enim potestis in hac vita, id est, ante lucem supernæ retributionis, gloriam veræ felicitatis habere : quia potius postquam hic humiliati fueritis ad tempus, illuc vos in perpetuum veraciter exaltatos sperate; vos quibus amarum est omne quod sæculi amatoribus jucundum videtur et dulce. Surgunt ergo filii Ecclesiæ, et beatissimam eam prædicanter, cum cœlestibus bonis sublimati, quanta sit illius patriæ beatitas, cuius participes esse meruerunt, aspiciunt, et hanc debita laudatione in divina visione concelebrant. Laudat vir ipsius, cum bona que ipse donavit remunerat. Quibus autem verbis eam laudet, consequenter ostenditur, cum dicitur :

¶ RESC.

Multæ filiæ congregaverunt divitias, tū supergressa es universas. Multas filias Ecclesiæ dicit haereticorum, et malorum turbas catholicorum. Quæ filiæ dicuntur vel Christi vel Ecclesiæ, quia etiam ipsæ sunt dominicis renatae sacramentis, et adoptionem filiorum, quam non custodiere, percepérunt; unde et Joannes ait, *De notis exierunt, sed non erant ex nobis (I Joan. ii., 19)*. Quæ congregaverunt divitias, videlicet bonorum operum, orationes, jejunia, eleemosynas, afflictionem, et castimoniam carnis : continentiam linguæ, meditationem Scripturarum, et cetera hujusmodi, quæ veræ sunt divitiae spiritus, ubi pura sinceritate mentis geruntur; ubi autem sine fide quæ per dilectionem operatur, sunt, nihil agentibus prorsunt. Sed et illæ filiæ frustra congregaverunt divitias, de quibus Dominus ait, *Multi dicent mihi in illa die: Domine, Domine, nonne in nomine tuo prophetavimus et in nomine tuo dæmonia ejecimus, in nomine tuo virtutes multas fecimus? et tunc confitebor illis, quia nunquam novi vos (Matth. vii., 22, 23)*. Sed omnes istiusmodi filias Ecclesia catholica supergreditur, quæ fide casta, et opere perfecta, Redemptoris sui vestigia sectatur.

W SCHIN.

Fallax gratia, et vana est pulchritudo : mulier timens Deum ipsa laudebitur. Fallax est gratia laudis, quam ab homine accepit; vana pulchritudo charitatis vel operationis honestæ, quam hominibus ostentat anima quæ timore caret divino. At illa conscientia vere est laude digna, quæ timorem Dei in omnibus servat : ipso est enim principium cunctarum custosque virtutum, Scriptura dicente, *Timor Domini principium sapientiae (Eccle. ii., 16)*; et iterum, *Qui timet Dominum, nihil negligit (Eccle. vii., 19)*. Hinc est enim quod beatus Job et in prosperitate virtutibus incomparabiliter floruit, et in adversitatibus insuperabilis hosti permansit : quia veraciter dicere potuit : *Semper enim quasi tumentes super me fluctus timui Deum, et pondus ejus ferre non potui (Job, xxxi., 23)*. Fallax ergo simulatorum gratia, vanus decor operis stultorum. Ecclesia autem quæ in timore incolatas sui tempore conversatur, quoniam ardentes virtutum lampadas venienti ad judicium Sponso suo offerat, jure ab eo laudata, januam regni cœlestis intrahit. Qualiter autem eam laudet, terminali versa docetur.

¶ TAU.

Date ei de fructu manuum suarum, et laudent eam in portis opera ejus. Haec sunt enim verba viri illius, de quo dictum est, *Vir ejus laudavit eam, id est, Domini et Salvatoris nostri, qui angelis in fine præcepturus est, ut Ecclesiam post hujus vitæ certamen, post triturationem afflictionemque terrestrium, ad cœlestis regni gaudia introducant, ac vita immortalis sibi sociam aggreditur; juxta illud evangelicum, *Triticum autem congregare in horreum meum (Matth. xiii., 30)*.*

Date, inquit, ei de fructu manuum suarum; quia fructum spiritus ferre curavit, charitatem, gaudium, pacem, benignitatem, honestatem, modestiam, continentiam, fidem, patientiam. Pro hoc illi debitam rependite mercedem, et laudent eam in portis, hoc est in judicio sive in ingressu patriæ cœlestis, non hominum favores supervacui, sed opera ipsa que fecit, examinante, probante ac remunerante illo, cujus haec donante gratia perficit, a quo ut laudari mereamur in futuro, concedat ipse propitius nos eum dignis in præsenti vita collaudare servitiis. Amen.

D

IN PROVERBIA SALOMONIS.

ALLEGORICÆ INTERPRETATIONIS FRAGMENTA,

IN ANTIQUO CODICE REPERTA.

IN CAPUT VII PROVERBIORUM.

Et ecce mulier occurrit illi ornata meretricio, præparata ad capiendas animas, garrula et vaga, quietis impatiens, nec valens in domo consistere pedibus suis,

nunc foris, nunc in plateis, nunc justa angulos innidians. Omnis quippe haereticus virili sensu carens, rite mulier appellatur; qui cum sermones politos proferre student, liquet quia meretricio culta sunt.

extimuscus ornat, quoniam conatur luculentia sermonis efficere id quod non valet gratia sancti Spiritus munere supplere. Quod si aliquando suis semitis quempiam resistentem invenerit, repente potius pro garrulitatis consuetudine quam virationis perspicue ipsum attentat superare. Vagus vero esse dignoscitur; quia quem spiritus erroris trahit, mentis sanæ stabilitatem nequaquam novit. Sive vagus bene esse dicitur, quoniam omnis qui lineam veritatis declinare gesit, constat plane quia diverticula diverso tramite fugitiva inquiret. Vagus, quia diversarum sectarum lequeos necit, quibus animas simplicium irretire possit. Iste nimirum quietis impatiens esse memoratur, quia terminos Patrum transgreditur; et quæ sit vera quies, quovæ modo conqueriatur, ruptis habenis patientiæ, impatiens ipse in præceps fertur: nescit ignorantium circa nonnulla rerum quæ perspicuitatem humanae mentis transcendunt; apud se quasi domi non valet stare, sed diversis affectionibus projectus, quasi pedibus per anfractus erroris graditur. Est et alia domus de qua nefariis actibus egreditur, Ecclesia videlicet, quamvis in ea corporali specie morari videatur. Propterea ponit insidias iis qui forensium rerum negotia dispensant, item aliis quos latitudo vitæ carnalis allicit, disciplinam tendit; dein cæteris qui frequentant angulos tenebrosæ vitæ, fallendis insistit. Sive per triplicem situum locorum non incongrue tripartitus intellectus sacrae Scripturæ potest intelligi. Foris namque hæreticos insidiatur, cum simplicium corda, quos ait historia litteræ, eam pervertendo decipere molitur: cumque latitudinem allegoriæ peragat, multoties inde nonnulla excripit, quæ fidei contraria esse multitudine fidelium protestatur. Ubi vero ventum est ad mortalitatis species, quia diverso tramite pro diversitate mortalium compinguntur, similiter emitens aliquid ibidem depravare consuescit.

IN CAPUT XXX PROVERBIORUM.

Tria sunt difficultia mihi, et quartum penitus ignoro: viam aquilæ in caelo, viam colubri super petram, viam navis in medio mari, et viam viri in adolescentia sua. Aquilæ vocabulo quilibet spiritualis vir designatur, qui more avis præstat aciem oculorum superno soli infligere nititur. Cujus vero progressus nemo dignoscere potest, quoniam non est corporale quidquam ibi, unde possibilis evipiam relinquatur cuius suffragio vestigium aquilæ persequi valeat: spiritualis quippe judicat omnia, et ipse a nemine judicatur. Dulcedo namque contemplationis sentiri potest, sed formam imitationis haudquaque habet. Haud secus via colubri sibi nota est, quam supra petram facere solet. Per petram soliditas cordis, per colubri vero gressum suggestio maligni spiritus figuratur. Interdum antiquus serpens cordibus electorum turpia sugerendo, vestigium sui eidem imprimeret nititur. Cæterum ipsi supra firmam petram fundati, violari nequeunt, virus itineris pestiferi suscipere nesciunt. Quæ res utique nulli cognitu pervincit, quoniam quanta sit valentia hujus petræ, nemo,

A nisi et idem ipse fiat petra, queat internoscere. Vel certe viam colubri supra petram se nescire profiteatur, quoniam an causa probationis seu peremptionis ejus, quem obambulat, conflictus insurrexit, omnino nescit. Quod si vel paulisper tentatori cesserit, quis quæso mortalium id scire potuerit? Item hand aliter quisquam iter navis fluctum maris dirimentis, ollutibus humanis legere, postquam ipsa transierit, ullo modo prævalescit. Quæ est ergo navis ista, nisi prædictor aliquis, cuius vehiculo ad portum æternæ quietis persrepentibus undique procellis tumescens pelagi transferitur? Iste nimirum semitas maris æventis perambulat, dum fluctus humanorum cordium remigio prædicationis dissecat. Quis ergo discernere queat quantum iste navigans in medio mari proficiat, ut exinde vestigia decursuæ prædicationis resculpere satagit? Cernis nempe tumentes flucus illum secantem, sentis item suspensis velis Spiritus sancti favore aspirante prosperum iter ad mentes audientium cumdem illum prosequenter, sed quanta sit efficacia in utroque, metiri nequis. Sive navis fluctivagam mentem cuiuslibet hominis prænotat, cuius quidem viam, intentionem scilicet qua promovetur ad ultramlibet partem, prorsus ignoras. Vides nempe prospero cursu velificantem; an certe naufragium inter procellas passurus sit, an tranquillitatis portui possit applicare, ignarus existis. Sicut enim sequacibus æstibus ponti id quod parte navis anteriore sectum fuerat, obruitur; ita gressus humanae vitæ lineam intentionis, cuius impulse anima vectatur, delere prohibetur. Quartum sequitur, quod penitus sese dicit ignorare. Quis enim certam metam lubricæ ætatis considerare valet, quæ quasi flabila ventorum aliorum deflectitur? Ineuntem ætatem, cuius levitas quam pluribus nota est, prætereamus; altera vero quam sit nociva, quamque peremptoria, quia paucis divulgatur, admodum præeavendum esse Salomon bortatur, dum ejus perplexam viam se nescire posse profiteatur. Omnis igitur hæreticus ob levitatem animi, qui circumfertur omni vento doctrinæ, non injuria adolescens nuncupatur. Censemur eliam nomine viri, eo quod ingenii virilis solertia noctus sit. Hujus nimirum semita tot et tantis anfractibus undique premitur, quod cum eam vestigare molieris, nullum vestigium eidem impressum plerumque reperire possit. Acta Manichæi require, et maxime epistolam quæ dicitur fundamentum. Ibidem sane viam vix cuiquam vestigabilem, monstroso pede, solertia pervigili tritam invenies. Hoc quippe Salomon ignorat, unde alteri mortalium tanta subtilitas peritiæ proveniat, alteri hebetudo mentis inhæreat, cum uterque particeps rationis existat. Nullus inferior altero circa formam est divinæ naturæ, sine cujus lumine abdita veritatis nemo potest cernere; et lamen pleraque Scripturarum secreta nonnunquam hæreticis panduntur, quæ vel religiosis viris absconduntur. Est et alias in electus, qui competenti ratione ad personam Christi refertur. Christus dicitur aquila, ob multiformem significationem quæ no-

tatur in ave præfata. Sicut avis illa nidum suum, sic A et ipse suam sponsam, scilicet Ecclesiam, protegit. Et quemadmodum illa exterum cubile ad procreandos pullos nullatenus adit, sic et Christus extra simum Ecclesie sobolem minime gignit. Propterea recenti ortu fetus suo radiis serventis solis opponit: qui si lumine irreverberato jubar prædicti sideris bandquaquam inspexerint, protinus, ut pote degeneres, a cæteris qui sibi patrissant propulsati a nido segregantur. Qund bene Christo congruit, quoniam omnes quis lumen veræ cognitionis non irradiat, tametsi Ecclesiae procreati sint, tamen a consoratio electorum ejectos separat. Serpentes item avis illa remigio alarum subiecta in aerem portans devorat, et nativo calore totum virus extinguit: ita et Christus rediens ad Patrem triumphato principe mortis, ineffabili virtute divinitatis malitiam serpentis antiqui destruxit. Cujus viam nescire Salomon sese professus est, quoniam quis potest dicere itus et redditus unigeniti Filii D: i, qui et incorporari, et mori, et sepeliri, et inferos spoliari voluit, et postmodum cernentibus ejusdem discipulis cœlos adiit? Idem ipse petra recte vocatur, super cuius fundamentum nostra imbecillitas solidatur. Illic siquidem coluber tortuosus, virosa vestigia imprimere natus est; at vero ipse sicut adamus verus lubrici gressus nec vel signum suscepit, sed omnino retundens infit, *Non in solo pane vivit homo, sed in omni verbo quod procedit de ore Dei* (Matth. iv, 4). Passus enim fuerat gressum chelidri, cum sibi diceret, *Si Filius Dei es, dic ut lapides isti panes fiant* (*Ibid.* 3). Quis quæso verutiam serpentis, item robur validissimæ petræ discutere prævaleat? Iste nimirum navis, iste nempe gubernator appellatur, prora Spiritus sancti commendatur. In ea quidem apostoli tanquam remiges resident, in eadem et nos collocati ad patriam tendimus, securi cantum Sirenarum spernendo navigamus; crebris flatibus tentationum tundimur, solummodo suscitamus, ne quando inertia resoluti torpescamus. Quomodo in alteram ripam hujus maris, tum Scyllæorum canum latratu perstrepane, tum Charybdis periculo imminentे, sine naufragii detrimento transponamur? quis hominum, inquam, perscrutari præsumat? Quarto loco viam viri nemini noscibilem ponit. Quis est iste vir, nisi ille de quo dicit Apostolus, *Donec occurramus omnes in virum perfectum, in mensuram etatis plenitudinis Christi* (Ephes. iv, 15)? Quis enim æstimare potest quanta bona generi humano, dum in terra moraretur, non modo corporibus languore multiformi proligatis subveniendo, verum, quod est utilius, animas eorum mendendo, tanquam singularis medicus præstítit? Quis famem tolerans corporis vel animæ venit ad eum, et incibatus redit? Quis mole scelerum prægravatus ad sum perrexit, et sanitatem carens inde recessit? Quid ergo? Nulli siquidem pervius est callis illius. Ista sunt quæ Salomon penetrare nequivit. Vedit hæc ventura in spiritu, sed altera est notio figuræ, altera vero notitia rei præscitæ.

IN IDEM CAPUT XXX PROVERBIORVM.

Per tria movetur terra, et quartum non potest sunnere. Per servum, cum regnaverit; per stultum, cum satiatus fuerit cibo; per odiosam mulierem, cum in matrimonium fuerit assumpta; et per ancillam, cum haeres fuerit dominæ sue. Interdum terra, cor videlicet terrenis desiderijs illectum movetur, cum ad assensum peccandi inflectitur. Quæ sit autem causa motionis hujus innuit dicens, *Per servum, cum regnaverit*. Regale sceptrum servus administrat, cum mercenarius quispiam pastoralem cathedralm usurpat; istum nempe sese moventem amissa stabilitate qua fundatur terra, fructifera in sæculum sæculi terra, quam debet excolare, utpote mobilis, sequitur. Quid enim si mobilis mobilem imitatur? Fugiens præsumtem sequitur. Fugit enim, quia mercenarius est, et non pertinet ad eum de oib[us] (*Joan.* x, 13). Ia primis motus movet subjectos, vel exemplo nefaria virtus, ut suæ motioni inhærent. Præterea movetur terra, vel ad prosluvium patrandi sceleris, vel ad euervationem fidei: stulto agente in regno quippe, satiatus est cibo. Quid est cibus fidelis populi, nisi panis vivus sacri eloquii? hinc etenim David dicit: *Parasti in conspectu meo mensam adversus eos qui tribulant me* (*Psalm. xxii, 5*). Porro hanc stultus, videlicet hæreticus quilibet frequentans, et panes quos ibi positos cernit corrodens (desunt enim sibi vires humilitatis, quæ parvulus et magnis eis frangit), tanquam satiatus recedit, et alijs panes cedere molitur. Inde est illud, *Ne comedas cum homine iniido, et ne desideres cibos ejus: quoniam in similitudinem arioli et conjectoris aestimat quod ignorat. Comede, bibe, dicit tibi, et mens ejus non est tecum. Cibos quo comederas, evomes, et perdes pulchros sermones tuos* (*Prov. xxiii, 6, 7*). Ista prorsus hæreticorum moribus convenire, nisi faveat illis, nullus est qui ambigat. Quod enim ignorant arioli, seu conjectores, pro more responsa dare conseruerunt: conantes astruere, seu illa falsa esse unde queritur, seu conjecturam potius quam formam veritatis super his unde agitur, debere æstimare. Iforum quippe cibos si considereris, prius necesse est vomas panes dominicas mensas, quoniam nisi mens tua panem fidei rejecerit, si que te non posse suspicere panes erroris. Isti sunt pulchri sermones, panes videlicet dominici, quos statim perditurus es, ubi degluties cibos hebusinodi. Quæ enim participatio Christi cum Belial? Quæ est ista mulier odiosa quæ matrimonii lege viro jungitur, nisi anima actus effetas habens, quæ nomine fragilis sexus rite figuratur? Viro autem cui nubit, principale mentis congrua ratione notatur. Unde Dominus Samaritanæ mulieri loquens infit, *Quinque enim viros habuisti, et nunc quem habes, non est tuus vir* (*Joan. IV, 18*). Nec tamen illi cui illa jungitur, sed sapientibus, qui carnalem vitam detestantur, odiosa esse dignoscitur. Cumque ista voluptarium vitam appetens, rationem subjicit, suisque lenociniis servitaram compellit, quasi foedus matrimonii cum viro desideratissimo init. Hac itaque regnante, motus terre solit

feri, quoniam acies mentis, quæ velut ager domini-
ous sementem divini verbi suscipere ac coalescere
parata est, si hujusmodi mulieri servanda committi-
tur, protinus deserto proposito spuriissimos ample-
xus illius nefandæ initatur. Quartum vero sequitur,
quod terra ferre non valet, ancillam videlicet hære-
ditario jure succedere dominæ suæ. Quæ est ergo
hæc ancilla, nisi caro humana, quæ lege naturæ
præceptis animæ consuescit obtemperare? Interdum
fit hæc domina, cum turpes æstus delectationum,
quas mulier jam dicta sovet, in actus carnis transfe-
runtur. Jam illa dominæ vivens in deliciis, mortua
est, et ad ancillam hæreditas transit, complens om-
nia faciura quæ illa disponit. Quod si huic ancillæ
pastoralem curam tractandam commiseris, quanta
calamitas regno cui præficitur inde contigerit quis
mortaliū quæso tolerare poterit? Istæ sunt nimirum
pestes monstrosæ, quarum principatu terra cordis
humani movetur, et opus instabile transfertur. Isti
sunt sane qui nesciunt in urbem ire, quique cæteris
anhelo pectore illuc tendentibus iter concludunt.

IN IDEM CAPUT.

Tria sunt quæ bene graduntur, et quartum quod
incedit feliciter: leo fortissimus bestiarum, ad nullius
pavet occursum: gallus succinctus lumbos suos, et
aries: nec est rex qui resistat ei. Ipse quippe hoc loco
leo ponitur, de quo scriptum est, *Vicit leo de tribu
Juda* (Apoc. v, 5). Qui fortissimus bestiarum dicitur,
quia quod in illo infirmum est Dei, fortius est homi-
nibus (I Cor. i, 25): qui ad nullius pavet occursum;
dicit enim: *Venit enim princeps hujus mundi, et in
me non habet quidquam* (Joan. xiv, 30). Gallus suc-
cinctus lumbos, id est, prædicatores sancti, inter
hujus noctis tenebras, verum mane nuntiantes. Qui
succincti lumbos sunt, quia a membris suis luxuria
fluxa restringunt. In lumbis vero luxuria est. Unde
et eis a Domino dicitur, *Sint lumbi vestri præcincti* (Luc. xii, 35). Et aries: nec est rex qui resistat ei.
Quem alium hoc loco arietem accipimus, nisi primum
intra Ecclesiam ordinem sacerdotum, de quibus scri-
ptum est, *Afferte Domino filios arietum* (Psalm. xxviii, 1)? qui per exempla sua gradientem populum, quasi
subsequentem ovium gregem trahunt. Quibus spiri-
tualiter recteque viventibus nullus rex sufficit om-
nino resistere; quia quilibet persecutor obviat,
intentionem eorum præpedire non valet. Sciunt enim,
ad eum quem desiderant, et anxiæ currere, et mo-
riendo pervenire. Ponitur ergo primus leo, secundus
gallus, tertius aries. Apparuit enim Christus, deinde
sancti prædicatores apostoli, et tunc demum, spi-
rituales Patres Ecclesiarum præpositi, videlicet duces
gregum, quia ductores sequentium populorum. Sed
hæc adhuc melius affirmamus, si ejusdem loci etiam
reliqua exponendo subjicimus. Nam quia post hæc
et Antichristus apparebit, hoc illuc quartum subdidit
dicens, *Est qui stultus apparuit, postquam elevatus est
in sublime. Si intellexisset, ori imposuisset manum.*
Ipse quippe in sublime elevabitur, cum Deum se esse
mentietur. Sed elevatus in sublime stultus apparebit

A quia in ipsa elatione sua per adventum veri judicis
deficiet. Quod si intellexisset, ori imposuisset ma-
num: id est, Si supplicium suum, cum superbite
exorsus est, prævidisset, bene aliquando conditus,
in tanta jacitatione superbite non fuisset elevatus: de
quo nequaquam moveat quod superius dictum est:
Quartum quod incedit feliciter. Tria quippe incedere
bene dixit, et quartum feliciter. Non enim omne quod
feliciter, bene; neque in hac vita omne quod bene, fe-
liciter. Nam leo, gallus et aries bene incedunt, sed non
feliciter, quia persecutionum bella patiuntur. Quar-
tuni vero feliciter, et non bene incedit, quia in fal-
lacia sua Antichristus graditur, sed juxta breve tem-
pus vitæ præsentis ipsa illi fallacia prosperatur:
B *Robur datum est ei contra iuge sacrificium propter
peccata, et prosternetur veritas in terra, et faciet, et
prosperabitur* (Dan. viii, 12). Quod Salomon ait, *Ince-
dit feliciter*, hoc Daniel dicit, *Prosperabitur*.

IN CAPUT XXXI PROVERBIORUM.

Noli regibus, o Lamuel, noli regibus dare vinum,
quia nullum secretum est ubi regnat ebrietas: ne forte
bibant, et obliviscantur judiciorum, et mutant causam
filiorum pauperis. Lamuel in quo Deus in nostra
lingua resonat; mater vero ejus, quæ memoratur
eum hujusmodi visionem erudisse, sapientia est di-
vina. Mortatur itaque filium suum, in quo Deus per
septiformem Spiritum habitabat, ne vinum regibus
bibendum porrigit. Qui sint autem hi reges, quibus
potus vini penitus ausertor, pater ejusdem nobis
declaravit inquiens: *Et nunc reges intelligite, erudi-
mini qui judicatis terram* (Psalm. ii, 10). Etenim ar-
gueretur dedisse vinum regibus per quod mentes
potantium alienantur: si non ostenderet quam gravi-
ter præpediat blandiens sollicitudo sæculi hujus
animos eorum qui sese terrenis negotiis implicuere.
Is itaque qui retinet monita salutis, si quando æger
qui poterat sanari mortem proinde incurrit, pro
certo ictus necis intulisse fertur. *Nullum, inquit, secre-
tum, ubi regnat ebrietas.* Licet de corporeo vino pos-
sit intelligi, nullus enim ebrios juris est sui, et ideo
utpote vas fictile cuncta diffundit, tamen est aliud
vinum, quod nullum comitatur secretum. Quid igitur
hoc in loco figuratur per secretum, nisi sapientiae
quodlibet mysticum, quod constat anatoribus mundi
hujus non esse pergium? In nullo igitur secretum
sapientiae reperitur in quo regnum ebrietatis esse
probatur. Si vis ergo rimari arcana sapientiae, insolens
regnum ebrietatis fac tibi longius abesse. Quanta
vero calamitas ex hac potione prodeat, oblivio judi-
catoria et mutatio causæ super filios pauperis exerta
proclamat: tanto siquidem viget memoria præfato-
rum regum in discretione judiciorum, quanto con-
stat eam esse longius remotam ab æstu mundanaruin
sollicitudinum. Eo igitur sobrii sunt, quo circa labentis
sæculi blandimenta languescent. Quis est iste pauper
filiorum, cuius causam ilii qui calice Babylonio de-
briati sunt pervertunt, nisi ille qui cum diuers esset,
pro nobis pauper factus est (II Cor. viii, 9)? Causa

namque in iudicio pervertitur, cum per judicem ini-
quitatis innocens punitur, et reus ultione dignus
impunitate donatur. Quod autem particulam dubita-
tivam ponit, dicens, *Ne forte bibant; ut opinor,*
faulitatem liberi arbitrii pronam esse ad utrumlibet
innotescere voluit, et maxime vergibilem in de-
teriorum partem, si vinculo amoris sive timoris retenta
non fuerit, latenter innuit. Sive per Lanuelem, qui
in quo Deus, ut jam diximus, interpretatur, ratio
humana, quæ ad imaginem Dei facta est, competen-
ter designatur. Mater vero ejus, gratia Dei scilicet,
interminatur sibi, ne potum perniciosum regibus,
hoc est sensibus interioris hominis propinet: qui
quandiu rationi parent, tandiu vero regis vocabulo
rite censemur, quia actus hominis exterioris per eos
regali censura comitante disponuntur. Illi nimirum
si quando haustum fugitivæ felicitatis introrsus tra-
ixerint, repente disciplinaris memorie expertes, quid
vitandum, quidve sit faciendum, suborta caligine
foedæ dilectionis, haud disternant. Dein causam
filiorum pauperis mutant, cum operum spiritus, qui
in consideratione sua debet esse pauper, futuram
recompensationem in carnalem affectum transmu-
tant. Causa quippe nostri laboris amor est fervens
immarcescibilis quietis. Hujuscemodi Salomon vinum
abhorrens, carnem suam spiritui servire compellit,
ut libero gressu moveret animum ad præceptoria
verba sapientiae haurienda, ut adderetur capiti suo
gratia, et torques collo suo.

IN CAPUT XXVI PROVERBIORUM.

Sicut qui mittit lapidem in acervum Mercurii, ita
qui tribuit insipienti honorem. Is qui sacerularibus
litteris eruditus est noverit, secundum errorem
gentilium, Mercurium esse deum eorum qui mer-
cibus mutandis instare consuescant; et quia insti-
tores plurimum opibus congregandis, unde somes
avaritiae pullulat, omnes ferme invigilant, conve-
nienter per vocabulum primatis nomen ejus qui sibi
famulatur designari videtur. Itaque per nomen
Mercurii quisvis avarus exprimitur. Quid sit igitur
mittere lapidem in acervum illius considerandum
est. Fuit consuetudo apud anticos ut si quempiam
in sua affinitate avarum reperissent, repente ad
regiam viam current, et unusquisque eorum lapi-
dem gestans, acervum inde ob dedecus avari con-
gregaret. Postmodum omnis iter agens, cum a longe
acervum lapidem cerneret, patro more lapidem
sumens, in acervum prouebat. Sicut ergo insi-
pientes reputantur isti qui magis dabant operam in
collectione lapidum quam in avari morbo sanando,
sic proculdubio expertes intellectus perhibentur
qui numerum imprudentium, qui recte lapides vocantur,
dando sibi honorem augmentare conantur.
Forsitan si conventus populi super eos qui cathedral
pastorali fatnos, imo lapideo homines sublimant;
una quoque super illos qui injuste promoventur,
acervum testimoniorum divinorum congererent, ab
importunitate tantæ pestilentiae aliquantis per torpe-
serent. Quid enim? Putasne quem sapientia non

A promovit, posse aliis prodesse, cum normam discipli-
nae penitus nescierit, nec patr. am, ad cuius gaudia plebs
sibi subjecta invitatur, noverit? Minime, inquis.

IN CAPUT XVIII SAPIENTIE.

Cum quietum silentium teneret omnia, et nox in suo
curso medium iter haberet, omnipotens sermo tua,
Domine, exsiliens de cœlo a regalibus sedibus durus
debellator in medium exterminii terram prosiliit:
gladius acutus, insimulatum imperium tuum portans,
et stans replevit omnia morte, et usque ad
cœlum attingebat, stans in terra. Alia translatio ba-
bet, medium silentium, significans idem quod et
quietum; etiam nocte media quietius silentium est
circa nationem Dei, ubi deest auditor, licet adsit qui
de Deo loqui noverit. Unde David ait, *Obmutu et*
humiliatus sum, et silui a bonis, et dolor mens renova-
tus est (Psal. xxxviii, 3). Silet vir Dei cum ma-
ximo dolore: silent aliter improbi, contempla sui
Creatoris majestate. Cor nimirum unius angore pre-
teritur, mens autem alterius inepta letitia resolu-
vitur. Aliud silentium de Deo sequitur, cum adest
auditor, sed deest prædictor; unde per Jeremiam
dicitur, *Parruli petierunt panem, et non erat qui*
frangeret eis (Thren. iv, 4). Ilæc quotidie videmus
contingere, quoniam nequitia humanae vitæ adeo
prævaluit, quod et in prælatis et in subditis hujus-
modi miseriam regnare nullus ambigit. Medium
item silentium in corde humano profundissime sit,
cum desunt qui auditum vel aurium prædictoribus
applicare velint, nec adsunt doctores qui pandant
verbum Dei. Hinc etenim per Davidem dicitur, *Om-
nes declinaverunt, simul inutiles facti sunt, non est qui*
faciat bonum, non est usque ad unum (Psal. lvi, 4).
Nam cum unigenitus Dei Filius nostram humanitatem
assumpsit, error iste mentes mortalium non occi-
parat. Hoc utique silentium non omnes, sed omnia
tenebant; quoniam creatura, præter hominem,
etiam universa suum opificem sua specie laudat.
Cæterum nullus ferme tunc temporis circa pulchri-
tudinem mundanæ molis laudem Creatoris considere
noverat. Ac per hoc non solum homo, verum
cæteræ creaturæ medium silentium colebant. Non
contemnens uti ratione, inferior autem factura,
quia nemo sciebat ejus ordinem decentissimum pla-
matori cunctorum referre, itaque nox in suo curso
medium iter habebat. Quid per noctis vocabulum
aliud quam ignorantia Dei, quid vero per cursum,
nisi perseverantia ejusdem cæcitatibus figuratur? Nox
siquidem medium iter solito cursu peragit, cum
nusquam recedens a pravitatis proposito deflectit.
Medium item iter fuerat, quoniam in commune om-
nium error præfatus currebat. Tunc omnipotens de
cœlo a regalibus sedibus prosiliit, utpote durus de-
bellator. Per regales quidem sedes angelicæ virtu-
tes, in quibus Dominus sedet, exprimuntur. Quid
autem dicit eum prosiluisse, inopinatum adventum
ejus designavit. Ipse revera durus debellator appa-
ruit, quia fortis armatum, qui suum atrium custo-
diebat in pace, comprehendit, ligavit, spolia sibi

dripuit, antiqui juris impotem reddidit, infernum spoliavit, vicerit unde venerat rediit. In medium terram exterminii saliens venit. Quid erat aliud genus humanum, nisi terra extra metam justitiae translatæ? Ad hanc revocandam intra limitem pietatis sermo Patris descendit, ut ipsem illam excolet, sereret fruges, parturientem custodiret; vel terram exterminii Judaicum populum, quem aper de silva exterminavit, congruent appellavit. *In medio eorum factus est homo ex semine David secundum carnem, propositus apparuit.* Sive medium terram exterminii adiit, cum cor humanum, quod pluribus de causis medium nuncupatur, dignum esse divina exterminatione comprobavit. Sic enim improbi nonnunquam ad viam justitiae reveruntur, cum eis prius exterminium emittere damnationis manifestatione demonstratur; quoniam vinculo dilectionis supernæ retineri nequeunt; vel timore gehennali perterriti, ad cultum sui Creatoris revocandi sunt. Statim cum terram Dominus adit, subsequitur exterminium vitiorum: non possunt tenebrae pati lucem; videt homo ubi jacuit, cernit funes peccatorum, unde tractus extorris factus est. Saliat et ipse in terram nostram extra terminum potenti virtute, pellat hostilem cuneum, qui conatur antiquo more possidere denuo nostri pectoris domicilium. Iste sermo gladius est acutus, pertingens usque ad divisionem animæ ac spiritus, discretor cogitationem. Quid plura? Nulla creatura impenetrabilis est ante aciem illius. Iste est quidem cuius iecu filius a patre, mater a filia, et quod est difficilius, a voluntatibus suis homo separatur. Portat namque Dei Filius insimulatum Patris imperium, quoniam quæcunque habet ipse, habet et Filius ejus. Quid est insimulatum imperium portare, nisi iussionem sine simulatione æquali jure hominibus prædicare? Ipse est enim nuntius paternæ voluntatis, ipse fert imperium illius; ipse percutit, vulnerat et medetur: provehit, coronat, glorificat. *Quippe Pater non iudicat quemquam, sed omne iudicium dedit Filio, ut omnes honorificant Filium, sicut honorificant Patrem (Joan. v, 22, 23).* Qui enim derogat alteri, similiter derogat et alteri. Ipsa namque Veritas dicit, *Philippe qui vidit me, videt et Patrem (Joan. xiv, 9).* Hic vero Patris imperium portavit, cum ei usque ad mortem obediens esset (Philip. ii, 8): *Pater, iuquit, si possibile est, transeat a me calix iste: verumtamen non sicut ego volo, sed sicut tu vis (Matth. xxvi, 39).* Portemus et nos imperium illius, mortificantes nosmetipsos cum vitiis et concupiscentiis; subjiciamus præceptis illius torosam cervicem, suscipiamus jugum ejus suave, per quod omnia gravia nobis levissima esse probantur. Istud est si gnum, quia amici illius vocantur, cum ejus mandatis paremus. Ipse enim dicit, *Vos amici mei estis, si feceritis quæ ego præcipio vobis (Joan. xv, 14).* Estant, inquit, replevit omnia morte. Cum Filius Dei carnem nostram induit, quasi surgens a lecto legis, in qua diu latuerat, inter homines apparuit. *Omnia*

Adenique *replevit morte*, dicens una omnibus, *Nisi quis renatus fuerit ex aqua et Spiritu sancto, non potest introire in regnum Dei (Joan. iii, 5).* Replevit omnia morte, cum non solum actu, verum cogitatione, regnum cœlorum amitti posse, stans extra contagionem totius maculæ, utpote virgo natus de virginie, mundus de munda, asseruit. Ait enim, *Qui viderit mulierem ad concupiscendum eam, jam macchatus est eam in corde suo (Matth. v, 28).* Quis igitur est liber mortis imperio? Istud nempe priusquam stetisset, nullus ferme noverat, teste Apostolo, qui ait, *Sed peccatum non cognovi, nisi per legem (Rom. vii, 8).* Nam concupiscentiam nesciebam, nisi lex diceret, *Non concupisces.* Sive Dominus stetit, cum principe mortis triumphato, a mortuis resurrexit. Quandiu enim passiones carnis humanae sustinuit, tardiū quasi nobiscum jacuit, sicut participes nostræ corruptionis: verum ubi surrexerat, dictum est de eo: *Stetit Jesus in littore, non tamen cognoverunt discipuli quia Jesus est (Joan. xxi, 4).* Postmodum missis discipulis ad prædicandum Evangelium omni creaturæ, repleta sunt omnia morte, dum et anima originali transgressione astricta esse demonstratur, et carnis illecebris exterior homo submersus esse convincitur: quippe omnes peccaverunt, et egent gloria Dei. *Et usque ad celum, inquit, attingebat, stans in terra.* Sicut homo inter nos erat, tanquam Deus cœlum regebat: cumque quod hominis est agebat, in terra quidem stabat; cum vero quæ solius divinæ potestatis esse perhibentur operatus est, ad verticem usque cœli pertingebat. Itaque cuncta gubernans, et in terra stetit, et cœlum non deseruit. Stabat item in terra, cum corda terrena ad suam disciplinam persequendam convertebat. Stabat in cœlo, cum eosdem qui terrenis desideriis impliciti tenebantur, ad consortium supernorum civium posse concendere asserebat. Cœlis sursum adhucerebat, cum eos quorum conversatio in cœlis erat, ne laberentur, regebat. Iste est sermo plenus veritatis, qui solum continet formam dominice Incarnationis. Potest hoc ipsum juxta moralitatem interpretari. Primum, inquam, silentium est velle peccare, sed concepiæ malitiae facultatem ad votum hominis nequam nullatenus occurrere. Quæ

Cores quidem ex superni fontis redundant clementia videtur manare, dum effectus iniquitatis prævarimenti subtrahitur: ne vel, si non eam super affectu sceleroso aliquoties pœnituerit, durius puniatur. Est et aliud silentium, quod animus pravi hominis servat, dum legis utriusque sancta propoundens, ex deliberatione se peccatum decernit, sed solius timore pœnae coercetur. Medium autem est silentium, quod est gravius atque nefandius cæteris, hominem velle peccare, et ea quæ male vult implore posse, nec timore divini respectus, nec reverentia mortuum, id quod nefarie proponitur agendum intermittere.

IN CAPUT XXXVIII ECCLESIASTICI.

Dum quidam sapiens laudibus pro qualitate ope-

ram architectos efferret, linituram siguli supposuit, dicens : *Sic sigulus sedens ad opus suum, con-*
vertens pedibus suis rotam, qui in sollicitudine positus
est semper propter opus suum, et in numero est omnis
operatio ejus. In brachio suo formarit lulum, et ante
pedes suos curvabit virtutem suam. Cor suum dabit, ut
consummet linitionem, et vigilia mundabit fornacem.
Post hæc artifices, quorum prærogativam descripse-
rat, comprehendens, inquit: Sine his omnibus non
œdificatur civitas, et non inhabitabunt, nec inambula-
bunt, et in ecclesiam non transilient. Aestimasne du-
bitandum non posse civitatem construi sine opere
siguli? Quis vel demens, inquis, hoc arbitrabitur?
Quo sit ut gratia hujus artificis, uti cæterorum,
unde in eodem loco tractat, mystico sensu intelli-
genda sit. Figulus igitur ad opus suum sedet, cum
quilibet doctor Ecclesiæ mentes terrenis negotiis
incumbentes conformare molitur, ut sicut vasa Dei
non in contumeliam, sed in honorem assignanda.
Rotam pedibus suis convertit, cum manifestis ope-
ribus corda subditorum suæ voluntati connectit.
Quid enim humani cordis volubilitas, nisi rota cir-
cumacta? Hanc nimirum nullo modo aptius ci-
tiusve, quam per exemplum religiosæ vitæ ad sui
nutum potest volvere, ut mens terrena paulatim effi-
giaata, et facibus superni amoris ad purum excoccia;
in vas electionis progrediatur. Illius quippe operatio
penes multitudinem hominum ignota est, quia nulli
potest esse scibile quantum fructus cordibus audien-
tium infuderit. In brachio lulum format, cum cor
terrenum per exemplum laborum suorum ad id
quod idem ipse est invitat. Ad hæc virtus ejus ante
pedes suos curvatur, cum doctrina verbi operibus
ejus respondere perhibetur. Item ante pedes virtus
curvatur, cum secundum robur animi opus distri-
buitur; sive quia status animæ sola humilitate nitit-
tur, tantum enim quis fortis est, ut in ea funde-
tur; vel ante pedes virtutem opifex præmittit, cum
operibus intentio non reflectit, sive dum præfert
opera virtuti, quasi ante pedes virtutem submittit.
Post hæc dat operam ut linitionem perficiat. Quid
enim aliud est linitio quam vasis consummatio?
Etenim cum homo sit cœlestis abjecta contagione
primi parentis, tunc resplendet forma in eo per-
actæ linitionis. Postremo est admodum sibi vigilia
necessaria, ut fornacem, in qua vas coquitur, mun-
dare prævaleat. Post peractum officium prædicatio-
nis, restat labor vigiliarum prædicatori, ut si quid-
quam sordium sibi inhæserit, solerti manu deterget.
Quid igitur est fornax, quæ sufflatorio superno suc-
cenditur, nisi mens pastoris quæ super perditione
membrorum suorum inuritur? Hæc itaque mun-
danda est, quoniam raro invenies quempiam præ-
dicationis officio fungentem, quem vel favorialis
aura non pulsaverit, vel inclemencia judicii non
redarguerit, seu remissior censura non verberarit;
quo sit uti necessarie vigilandum est in prædicatio-
nis administratione. Similiter expleto negotio adhi-
benda est opera vestigationis, ne quid lateat ad-

A mistum, per quod offuscetur merces strenuæ ope-
 rationis.

IN CAPUT VIII SAPIENTIE.

Sapientia attingit a fine usque ad finem fortiter, et
disponit omnia suaviter. Qui sunt isti fines, et quod
medium utrorumque quos ista comprehendit? Novi-
*mus quippe Scriptura narrante (*Gen. 1*), quod fa-*
brica mundi senario numero in species proprias di-
stributa, Sapientia summa ab omni opere quod
patraret septima die requievit. Hic est primus finis,
consummatio scilicet rerum caducarum, quem se-
quitur alter, cum flet novum cœlum, et terra nova.
Itaque ab illo in quo cuncta quæ sub rota solis vol-
vuntur, consummata esse memorantur, usque ad il-
lum finem, in quo transitura sunt. Sapientia quidem,
B de qua agitur, attingit fortiter, cum unaquæque res
uti condita est, præfixam metam naturæ, per quam
subsistit, non transgreditur, et compos sui juris, non
est appetens alieni, servans pulchritudinem ordinis
pulcherrimi. Illic eadem suaviter disponit, quia sin-
gulis formis rerum legem suavissimæ tranquillitatæ
contulit; quippe suavis et ipse, nihil asperum, nihil
insuave condere potuit: ipsa est alta profunditas,
quam nemo intueri vel penetrare potis est.

In humana anima triplex vis naturæ vige digno-
 scitur. Est enim rationalis, concupisibilis, irasci-
 bilis. In discernendo quid sit bonum malumve, ad-
 minicculo rationis utitur. Quia vero appetit naturæ
 jure dictante, id quo nihil est melius, concupiscentiam
 ex rationis fonte manantem, nulli dubium est
 ipsam possidere. Inde est illud, Quasi modo geniti
 infantes rationabile lac concupiscite. Primo vero,
 quia contra reatum indignatur, motum iræ salutiferæ
 naturaliter habere perhibetur. Unde David peccati-
 bus dicit, *Irascimini, et nolite peccare* (*Psal. iv, 5*).
 Ac si diceret, Quia contemnentes rationem, concu-
 piscentiam salubrem, iram, excessus illicitos pu-
 nientem sprevistis: irascimini vobismetipsis, expel-
 lentes ab antro cordis irascendo quod ingessisti
 male delectando. Deinceps cavete ne eamdem rui-
 nam incurritis, attendentes illud quod Dominus in
 Evangelio cuidam inquit, *Vade, et amplius noli pe-
 ccare* (*Joan. viii, 41*). Postremo quæ sunt duo qua-
 tribus præfatis resistunt, diligenter vestigemus. Con-
 stat procul dubio quia concupiscentia carnis concipi-
 sentiae spirituali renititur: ira vero carnalis justitia
 repugnans, alteri iræ, quæ comes est justitiae indivi-
 dua, e converso reluctatur. Qui bene domum unam in-
 habitare dicuntur, quoniam hujusmodi altercatio inter-
 istina intra domicilium interioris hominis agitur: et
 quod Lucas evangelista quinario numero divisit, hic
 utique Paulus apostolus binario comprehendit, ubi
 dicit, *Caro concupiscit adversus spiritum, et spiritus*
adversus carnem (*Galat. v, 17*).

IN CAPUT VIII PROVERBIORUM.

Nec dum erant abyssi, et ego concepia eram: non
dum fontes aquarum eruperant, nec dum montes gra-
mole constituerant. Nomine abyssi, abdita mysteria
propheticæ ore protata; corda vero sanctorum, unde

multifidi rivuli derivantur ad adaquandum gregem in sibi commissum, per fontes competenter exprimuntur. Isti vero montes, quid sunt nisi caterva martyrum, quos amor sancti Spiritus a Deo præponderat, quod nec minæ, nec sœculi blandimenta, neque tormentorum acerbitas exquisita, nec etiam incensæ laminæ ferri intima viscerum rimantis exsuperant? Inde David, *In populo gravi laudabo te* (*Psal. xxxiv.*, 18).

DE SALOMONE JUDICIUM.

Salomon, vir tantæ sapientiæ, nunquidnam credibile est illum in simulacrorum cultu aliiquid utilitatis credidisse? Non. Sed mulierum amori ad hoc malum trahenti resistere non valuit, faciens quod sciebat non esse faciendum, ne suas, quibus deperibat, delicias contristaret.

Quamvis peccasset Salomon, tamen egit pœnitentiam, scribens Proverbia, in quibus ait: *Novissime ego egi pœnitentiam, et respxi ubi eligarem disciplinam.*

Salomon ille mirabilis, qui meruit assistrici sapientiæ Dei copulari, in alienigenarum mulierum incurrit amplexus; et in vinculo libidinis illaqueatus, sacrilegii errore se polluit, cum Chamos idolo Moabitarum simulacrum fabricavit. Sed quia postea per prophetam culpam agnovit, nunquid medicinae coelestis extorris fuit? An forsitan nunquam eum in Canone lego pœnituisse, neque veniam consecutum fuisse? Audi pœnitentiam ejus, quæ non scribitur publicis legibus. Fortasse ideo acceptabile

A aliquid dicam, quia non ad faciem populi, sed in secreto conscientiæ, Deo teste, pœnituit. Veniam autem ex hoc consecutus est, quia cum solitus esset a corpore, sepultum eum inter corpora regum qui Deo placuerunt Scriptura commemorat: quod tam alibi peccatoribus regibus abnegatum fuisse cognoscimus, qui usque ad mortem in proposita perversitate manserunt; et ideo quia inter justos reges sepeliri meruit, alienus a venia non fuit, veniam autem ipsam sine pœnitentia non potuit promereri.

Aiunt libri Hebræorum Salomonem quinques tractum fuisse per plateas Jerusalem, causa pœnitentiae. Item aiunt eum venisse in templum, quod ipse ædificaverat, cum quinque virginis, de quibus quatuor B legis peritis, ut verberaretur ab illis: qui communè dixerunt consilio quod in christum Domini manum non mitterent: unde frustratus ab illis, a se depositus est a regno.

Quoniam, inquit, elephantes vides tibi subditos, et leones esse subjectos, cognosce te ipsum, o homo. Quod non, ut ferunt, Apollinis Pythii, sed Salomonis sancti est, qui ait: *Nisi scias te formosa in mulieribus.*

Nec mirabimur in parte contraria pessimos reges in typo prævaricatorum præcedere principum, cum optimos reges, Davidem, et Salomonem, et Iosiam, et patriarchas ac prophetas, in figura Domini Salvatoris præcessisse doceamus.

IN CANTICA CANTICORUM ALLEGORICA EXPOSITIO.

LIBER PRIMUS.

DE GRATIA DEI, CONTRA JULIANUM.

Scriptorus, juvante gratia superna, in Cantica Canticorum, primo admonendum putavi lectorem, ut opuscula Juliani Celanensis episcopi de Campania, quæ in eundem librum confecit, cautissime legat, ne per copiam eloquentiæ blandientis, in foveam incidat doctrinæ nocentis. Sed, ut dici solet, ita carpat botrum, ut et spinam caveat, id est, in dictis ejus sanos sensus scrutetur et eligat, ut non minus vitet insanos; vel potius illud faciat Maronis,

Qui legitim flores, et humi nascentia frage,
Frigidus, o pueri, fugite hinc, latet anguis in herba;
hoc est, ab ejus se per omnia lectione compescat,
cum habeat eos qui enidem librum et sanis sensibus et simplicioribus verbis exposuerunt. Est enim homo, ut rhetor peritissimus, ita gratiæ Dei post Pelagium, impugnator acerrimus, ut apertius scripta ejus, quibus contra strenuissimum ejusdem

PATROL. XCI.

gratiæ propugnatorem Angustum insanivit, ostendunt. Cujus causa duelli, primum de Amore libellum composuit, sub obtenu, quasi hunc a foedissima foret voluptate secreturus, re autem vera suam confirmaturus haeresim, qua, ut breviter plura constringam, docet nos per arbitrium liberæ voluntatis posse bona facere que volumus, quamvis per auxilium gratiæ Dei facilis ea perficere queamus: quomodo viantes iter, et pedibus quidem peragere valemus, sed minore, absque dubio, labore, cum nobis equi, quibus vehamur, affuerint; immemor apostolicæ admonitionis, qua dicit: *Cum metu et tremore vestram salutem operamini. Deus est enim, qui operatur in nobis et velle et perficeret* (*I Cor. ii.*). Et, quod est gravius, impugnator ejus qui non ait: *Sine me modicum quid potestis*; sed, *Sine me, inquit, nihil potestis facere* (*Joan. xv.*). Docet clausa legis sacramenta solos

36